





# 中國地方志集成

浙江府縣志輯⑥5

光緒  
青田縣志

康熙  
青田縣志

民國  
宣平縣志

江蘇古籍出版社 ● 上海書店 ● 巴蜀書社

封面設計 范一辛

責任編輯 盧建幸  
王海浩

中國地方志集成  
浙江府縣志輯(65)

出版 上海書店

(上海福州路四〇二號)

印刷 上海市印刷七廠

發行 新華書店

上海發行所

定價 二七二元

1993年6月第1版 1993年6月第1次印刷  
ISBN7-80569-876-7/K·171  
沪新登字119号



宣平縣志序

宣平為縣始明景泰其有志乘肇自崇禎有清一代踵事纂述光緒四年皮鶴泉知縣事乃復補綴修創重勒專編於土之瘠思所以養俗之喬野思所以教而物產一卷仍備載其收采之法種植之方及施用所宜以益貧民生計蓋庶幾古循良之用心也迄今將六十年張君劍峯敷政斯邑與情攸洽因續志之垂成集羣策以歲事將付剞劂屬序其端昔者嘗讀會稽章實齋先生之書矣其言方志必立三書衍春秋之緒而為紀傳衍官禮之緒而輯掌故衍風詩之緒而選文徵宏綱既張緯以衆體有文詞者曰傳曰書無文詞者曰圖曰表表本周譜圖溯易象制度典章詳近略遠

宣平縣志

卷首

序

民國丙寅重修

則司馬遷史記之法也婦女可稱甯止節烈則劉向列女傳之旨也諸家著作最錄其目則班固藝文志之義也諸諺有關不廢徵引則丘明左傳國語之例也自來杭州訪求文獻有若余越園先生之龍游縣志憲章實齋多所損益志中氏族考尤極探討之勤而一地方文化優劣人才盛衰風俗良窳民物榮悴皆於氏族變遷得其相關之理以視實齋永清志之氏族表詳士族而略民姓欲以士族率齊民以州縣領士族其用意之相去誠不可以道里計蓋實齋之士族表猶沿封建之舊習也越園之氏族考則發社會學之新蘊也若別於實齋斐然有作言古以合今事增而文損則若陳無邪馬滙民兩先生同撰之定海縣志其紀縣民之資生

凡丁壯分業食糧統計物品輸入十年來米價之升降正輔各幣之折換各業工價之比較以簡明之表繫繁曠之要自茲以外上而溯之宋嚴州志之載鄉飲鄉會近而取之南田縣志之載黨務商店而樂清縣志之於寇警歷敘倭人之肆虐新昌縣志之於繭稅特記列年之盈虛消長是皆怵於憂患切於生計慮舉惟謹閔指斯在今者消弭匪患捍禦外侮救濟農村增進民治皆切要之圖當務之急邑之人或有建議援班史取延年買讓諸疏入溝洫志取賈誼崑錯諸疏入食貨志分類錄入可也如斯義例亦實齋嘗所論列詩曰執柯伐柯其則不遠以浙江文物之邦而有事於修志孰舊孰新為因為革師資具在無待外求蓋嘗論之志之為

宣平縣志

卷首

序

民國丙寅重修

書經野之典而有司措施之規也先民之成法不必泥制其宜而已矣今人之立言不必薄觀其通而已矣宣平縣志未知其書何若因請為序粗發其凡願與邦人君子共商榷焉  
中華民國二十三年一月益陽呂必壽謹序

續修宣平縣志序

宣志始自明崇禎丙子迄清光緒已卯二百四十年間修之者凡五矣古志散亡不可考今存者僅道光志惟歷次修志序言具登簡首其中敘宣之狀況與志之關係重要作志者之難臻完善均能言之疑各中肯綮後人無庸贅述抑又有不能已于

宣平縣志

卷首 序

民國丙寅重修

言者夫縣國之基也國縣之積也一國之中縣無不治則國亦焉有不治古之人重牧令州縣之官號稱親民良以治之易以得其要亦易以收其效也管者子游寧武城牛刀一試而巖邑之民君子小人皆可學道有治法有治人小用小效宣雖僻壤亦何嘗不可以奏治績哉縣有志治縣者先河之

導也語云不習為吏視已成事又云前事之不忘後事之師也宣志具在

有疆域有閭閻有賦有戶有物有產有兵政有實業有教育土地人民政事三者具有成規通邑大都外是已治之革之損之益之循村之振勵之或蕭規而轉隨或絃改而轍易化民成俗昏寓于是雖躋于道一風

宣平縣志

卷首 序

二

民國丙寅重修

同可也百里幅員可以展驥之萬家煙戶可以敷鴻猷如或以宣為桃源仙境等諸養閒休隱之鄉而地方士民亦復安于固陋不自振奮則小之乎視抑亦輕之乎視志矣况今者政治革新文明進化月異而歲不同將來維新之事業其是為志乘光者不知凡幾豈區區此志已耶若夫在志

言志則昔之人上而于各直省通志下而于各郡縣志莫不斷。為于體例之間辨之謹嚴聚訟。莫衷一是。豈未學不敢竊言亦惟率其舊增其新去其浮取其實欲于光緒迄今五十年間勉應長官及鄉父老拾遺補闕之屬藉以延先哲之緒言而存一縣之掌故使後之治宣者有所取而

宣平縣志

卷首序

三

民國丙寅重修

宣平縣志序

宣志自丙寅續修起訖凡閱六載纂輯既告歲事沒以資源不健致不果完梓因置擱廢垂及兩稔癸酉春余奉檄來守亦土重檢櫛籍察知其事心甚惜之爰與是邦

宣平縣志

卷首序

民國丙寅重修

觀覽修志者有所得而刪訂斯已耳  
總編纂邑人鄒家熾謹識  
中華民國十六年丁卯仲秋月

人士共議完成爰經善劃始與叩肆重訂續約剋期畢事於是全志殺青拭目可待矣然余輒有感焉夫圖始誠難慮終尤非易之故諺有云行百里者半九十蓋鋒愈進者銳愈減自非到底不懈首尾



貫注鮮有不氣衰且渴者虧費之  
嗟哉何不生之皆是修志一事殆猶  
小焉者歟抑又有言者自新政昌  
明綱領繁賾初習吏事者固皆沾  
沾自喜動務興作議業山積罔知  
所先一逢屏障頽於沮喪朝夕

宣平縣志

卷首 序

民國丙寅年序

夕替形同埋捐治效不彰此其癥  
結而墨守成規者又沒故步自封固  
於物境相傾相軋二者從而水火之  
求其能於奉法循規之中達審時  
度情之變持衡運柄張弛咸宜其  
固不斲之觀也宜固小邑所位僻左

與世若忘儻得賢令長以蒞臨之  
行不擾之政以滋生息轉風氣之振  
以導于敦醇而不為夸詡寫述所中  
十年之治必能日起有功則亦編  
之成實圭臬已用據其意以告後  
未者是為序

宣平縣志

卷首 序

民國丙寅年序

癸酉秋宣平縣長張蔭識







路至廣善後亦可實現再進  
南郊之溪石通舟楫於農引  
貨物以運杭江橫築枝路而進  
遂昌等產物以板杭流商賈  
輻轉貨物雲集宜之如崇  
不待贅卜余反問為撰白話

宣平縣志 卷首 序

民國內實重修

又告勸植森林種桑麻層層  
臺山廣栽桐柏與實業建二  
廠增加生產吸收外資傳予  
人士碩儒俊彥不河澤來宜  
急起提倡而務進之則交通  
利產物豐廣與學校作育

人材百端建設均可推行必迫  
時者之小菴源僻靈山阻而  
福利吾民是所厚望焉  
中華民國二十年十一月 日  
宣平縣縣長徐慶嵩撰  
本邑謝正夫書

宣平縣志 卷首 序

民國內實重修

宣平縣志目錄

卷首

新序 目錄 舊序 凡例 圖畫 修志題名

卷一

輿地志一

疆城 沿革 城池 山川 水利 形勢 交通  
鄉村 戶口 公署 局所

卷二

輿地志二

壇廟 寺觀 庵堂 津梁 道路 茶亭 坊表

宣平縣志 卷首 目錄

民國丙寅重修

古蹟 勝蹟

卷三

財賦志

田賦 額征 地方稅 公款 公產

卷四

禮俗志

祀典 褒揚勳獎 教堂 風俗

卷五

實業志

農業 工業 商業 農工商會 物產

卷六

教育志

書院 教育機關 學校 社會教育

卷七

兵警志

兵防附汛 團防 兵事 警察 衛生

卷八

救恤志

倉儲 災賑 救助 慈善

卷九

職官志

文職 武職 政績

卷十

選舉志

科貢 仕進 封贈 公職

卷十一

人物志

孝友 德義 文學 武功 循良 忠義 隱逸

藝術 方外 列女

卷十二

宣平縣志 卷首 目錄

二

民國丙寅重修



藝文志一

遺書 序跋 表奏 贈序 傳狀 碑誌 箴銘  
賦

卷十三

藝文志二

詩詞 敕文 雜文

卷十四

雜志

地方自治 祥異 逸事

卷末

跋文

宣平縣志

卷首

雜目

三

民國丙寅重修

舊序

癸巳冬余有會城之役旋恬郡道經宣平初訝其彈丸蕞爾地何渺也繼而愛其山水明潔迴環頗安及詰朝戒途過曳嶺回計入樊嶺來村落雞犬平曠衍夸童叟牧樵古朴敦質宜雖割風水之一隅哉大有桃源風味丸泥封兩嶺恬夢而遊嬉鼓腹行歌帝力何有為其中之村民可扶杖聽水問壑尋邱為其中之高隱可披緇臥石听夕鐘魚以忘世外事為其中之閭黎可黃冠探蕪熊經鳥伸以從事於白雪黃芽為其中之羽士可或尋友山外覓侶雲中載酒聽黃鸝狂歌豪吟蘆廬天地為其中之文雄騷客亦可總之地雖彈丸境實仙國余初為訝繼而愛終而喜且戀繫於懷而

宣平縣志

卷首

序

民國丙寅重修

不忘何必以市計何必以城名何必於仕宦問小大此真桃源余笑太康漁人不能於此一遊也今侯令修新志成具帙來請序閱其山川土俗一如余意中不覺呀然曰是何必取他詞以大其說述其宜之為宣者宣可仙可佛可高士可文雄而宣之志已盡於此矣宣真繫之余懷哉順治乙未秋日分藩使者遯左傳夢龜譚志有大小以邑為第而亦不為邑所第也閱志之手自有詳略以邑為差而亦不為邑所差也十室之邑必有忠信况宣居萬山中翼松毗遂倚發接衢殷隆隆境幽物阜土所茁足以厚生地所集足以利用翠者山拱擎左右足以娛目適靜澗者溪環匝前後足以傲竹挪絲雞犬熙怡桑麻菲肥古稱有桃源之勝豈其以吾

欺余久嚮往之未遑繼攷其周略也今年夏聞侯令有修志役侯以崔盧遙胃識精學粹治宣之僻政簡神清於茲役也正洽其宜爰取舊志觀之汜爛腐黑楮汨汨祇可覆甌顛倒舛錯緒芬略無組織欲覓一舊事佳話悉糾繆互屬令人悶悶今閱新志山川道里之詳縷如繪矣建置之始末如織矣財賦之新舊因革如螺如指矣其官師於茲土者靡有隻遺宦遊於他邦者無有或棄義士婦女好施樂善之士俱煥然改觀冰鑑不遠爰備大事地靈生奇兼諸鴻文江文通謂文章之難莫過於志今而後益信其言爲不誣松遂諸邑固大而所大之綱與目宣亦無異則大小非邑所能第也遂龍諸邑之志較廣且詳而所廣詳之政蹟與紀載宣亦

無異則詳略亦非閱志者所能差也余雖未至宣已神遊其溪山心誠其疆域曠然於桃源洞天師葛天而友無懷矣文生於情情深於文余於侯令有默會焉順治乙未秋日知處州府事陽城王崇銘撰

市至喧也自貿易肇於炎軒而來而往闐闐煙火嘈囂呼靡不於市爲萃然惡喧者厭之思避以逃而不能村至寂也自阡陌啓於農稷以蜡以臘雞犬寥落期老死無往來然好寂者思之欲翼以潛身而亦不得究之居市者珍五都集穀軫日汨汨而不辭亦不憚村者朝穰蓂夕芻牧日淡淡而亦不憚亦不辭何則久於市也久於村也雖憚辭亦不能亦無用也吾於仕宦之各得其地者

亦云然有得至喧者至寂者喧者無論有寂之一境善其身行其道警史烈册違選而是况乎不厭不憚扶性情以與幽寂侶則以武侯之澹泊明志兼南陽之坐嘯畫諾聖賢經濟均於寂焉鈞陶其全今宣處萬山中境非至寂歟雞犬閑靜雲霞披戶固爲深山村景雖以市名之景亦不受終日行國中不多見行蹤柴扉畫局泉源在牖固爲深山村人雖強以市矯之人亦不受稻香流水樹蔭佳鳥枯棹在門菱犢在室固爲深山村景雖強以市分之境亦不受今宣令侯仙蓓乃吾年昆以不厭不憚之性情遇此不受之景之人之境相忘於無何有之天民無熙攘仙蓓不以市治也地盡陵谷仙蓓不以村治也以本來澹泊之志舒其畫諾之才宣真

村而太古更真仙而世外賦課無幾不煩夜呼溪山相簇不煩遠眺白雲入縣蒼稗多愚課學無事文翁講武久夔臥鼓仙蓓且誦真人之古碑印禪關之虎石方知其不厭不憚之故而益信其爲真也村寂何損於人而必醉之於市喧哉吾於仙蓓而觀其志於志而益信仙蓓之真順治乙未秋日處州府理刑官睢州趙霖吉撰

宰宣陽者六年矣宣之土地人民政事殫究悉圖雖臻小試而欲煥然更理迄於大成則又未能余愧之然亦有說宣固有宣之俗有宣之情有宣之氣誼余公暇取邑志披覽而歎宣之爲宣者卽志可盡述也志首山川宣之人不知有山川也隆焉阜而已樵則



樵之淵焉溪而已汲則汲之欲其置身邱壑沐煙浴雲無有也次  
建置宜無城濠金湯可置不論縣廨僧舍也學宮道室也間有一  
二俊秀執經問難以爲谷音餘則耕稼樵牧歸業於山谷求其折  
角炙穀爲得人慶者則甚鮮官師固前賢之並仕茲土棠陰口碑  
治播至今此則宣人之厚道也次人物鵲揚鷓運於名場者甚少  
至如執德之老儒好施之耆宿血脈至孝霜節孤嫠時恆有之所  
謂十室之忠信未嘗無也次財賦不足敵大邑之墊費甚鮮也有  
國課之額書在次禮祀不及見盛時之風軌止有一二廢址在不  
幸而藝文疎闊潘江陸海挹注何從幸而兵戈暫靖魚火狐烽嘯  
衆遠遁此則宣之大概也而宣之俗在於是宣之情在於是宣之

氣誼在於是曷乎俗俗之所呢笑任之嘗任之而欲奪其所懷來  
則宋人之寶燕石無以過也曷乎情情之所入歌於斯哭於斯生  
長於斯而欲更其所好惡則遼左之矜白豕無以過也曷乎氣誼  
氣誼之所漸漬一言不合則詬厲隨之一事稍忤則戈矛繼之而  
欲矯其所過正則挾趙瑟於齊王之門歌白雪於巴人之里也故  
余取志而訂之刪其燕補其缺正其固陋清其支蔓付之劄劄氏  
正寓志於大不得已中而於俗之所呢情之所入氣誼之所漸漬  
無不三致意焉蓋欲宣之父老子弟弗作文字觀也土地人民政  
事孰有大於此哉余六年之心於此志乎具見順治乙未仲秋宣  
平縣知縣錫山侯景謨

余不敏承志役凡三於宣且四矣松志自隆慶迄今板泐敗無存  
搜取得二三事已耳修之爲時頗久而艱遂志幸存板乃簡其目  
爲七又以天時地理人和分其條貫天時有幾何而以什之一與  
什之三與七者侔也龍志爲稍正但於所當載與不當載亦有遺  
漏與浮溢三邑之殫精粹神者松爲最遂次之龍又次之今宣之  
局又一變宣志於修甚近丙子迄今僅二十期耳而事則多未備  
當日之秉筆王君也王君歷下人頗具筆藻遂狎視邑乘不上宗  
諸史之體與郡邑志之格以己意億斷緒亂條繆前後紛錯本門  
不志而見於他篇或記傳不存而疊以歌咏人物則男女無紀更  
相表章山水則峯溪無別舛相羅列俾閱之者心慵日躁彼固曾

委咎曰志之不良簿書之過此則是矣又曰兼存不衫不履之意  
夫志有體有則有條理有例列豈可以掉臂游行之致入安絃審  
縵之宮余未敢心折也因訂同心紛者整之錯者正之互見者各  
從其類無別者各循其例而志始燦然可觀雖然余不敏何敢攝  
先正之疵以自顯古史體裁具在余不敢阿近而悖古也功在同  
盟之侯君余不敏敢實揀其咎順治乙未秋日荆溪胡世定撰  
余足跡幾半寰區而於浙之虎林一再過焉其山川之瓌麗人物  
之軒渠財賦浩繁民風侈靡稔之久矣甲午秋謁選得宣平隨有  
以浙賀之者曰東南名區可以成爾廉展爾能繼有以慮慰之者  
曰括爲浙之殿宣爲括之殿是烏乎成爾廉展爾能余均不之介

也襍被抵虎林買舟錢塘溯陸而發南向徑道不越兩晝耳余揣此去百餘里外詎若向之慰者所云邪甫入境而山漸而碩溪進而偪村落類垣窳黎鵠而旋入邑而城池衢街不及較其官廨等破寺鬻宮儼郵亭塵居不滿百家團圍會無幾隊轉念向之賀者憤憤也然褊壤殘區獨不可以成吾廉展吾能乎視事閱期且再凡不便於民者纖悉除之有利於民者艱大任之誅求無損諸已令申不苛於人似乎自信不惡不謂述逃疊積一逞其頑欲蒲鞭以試弗能也土荒其業農薄於耕縱強以絃誦斥其惰游不可幾也始恍然於向之所云烏乎成吾廉展吾能者非虛語矣欲轉移而補救之其道蔑絲無已則試取其文獻足徵者探登邑乘以與

爾民判曰胡昔之山川鍾靈增麗昔之人物挺節爭奇財賦急公而衣食罔缺民風振作而動止不偷豈人心風俗之沿不可以古治治之邪端藉斯志之成庶足以家諭戶曉也爾民之覽斯志者當必惕焉警幡然興奉為龜鑑矣用是致聲廣文章詳加參訂幸速竣事董彼劄劄以為民勸於以砥余之廉隅而余之能事亦將畢於此焉已康熙乙未知宣平縣事襄平張廷祐謹

江文通謂文章莫難於志愚以為是不難所慮者涉歷不久見聞不真凡邑之山川風土人物故實而目眇如而耳襲如雖挾遷固之才一無把握繪風塑影蹈空凌虛卒不能憑臆而造是以難也宣邑析目明景泰閱百八十年歷下王公恥庵於崇禎丙子始輯

志焉王公頗擅筆藻但局於簿書創始良難未可厚非嗣修於順治乙未錫山侯公仙僖延荆溪胡子世定秉筆距今三百六十甲子周矣毀板於兵燹通邑迄無藏本幸前令香山楊公道經吳閩於殘肆售得一冊僅二百餘紙墨過楮零且多失簡其間繆鑿舛雜復贅漏遺訛疑衍冗皆涉歷不久見聞不真故耳不足為前人詎病余抵宣逾十稔素耽奇癖一邱一壑一物一名輒留連咨度不忍釋十稔中與諸同人歌咏者半笑談者半胸次覺有成竹擬訂故冊一新之梁君璣辰邑之領袖素推博洽提綱揭目錄有成規視故冊加詳於是躬為讎校手自編鈔匝月之間敷衍屬草可免繆鑿舛雜之嫌適簡在張侯履任首詢邑乘即以是草進侯

曰劄劄無資稍緩以俟越期年偶檢是帙曰計此不滿百緡當個捐以成茲舉於是復加參核複者削之漏者增之疑則釐而正其譌冗則節而存其要因端竟委不致兩歧就簡芟繁不容互見體裁非便純以問雜句讀非使瑕以掩瑜其覬縷之疇分殊事者已概見於茲凡而六十年內之新增務撫其實而後敢次是皆稟張侯之教集梁君之成余固禱味亦何與之有哉謹綴於殿以志不敏云康熙乙未宣平縣儒學教諭富春章經跋

周禮地官誦訓掌方志以詔觀事以知地俗此志所自肇也我朝重熙累洽文明大備內有一統志以集天下之成外有通志以括一省之概其次郡邑亦皆有志蓋以志也者上考星分下稽疆域



兼述人事星分與疆域往籍可憑也若夫人事則田賦戶口有盈  
細城池公署有興廢禮祀官司兵戎選舉有增損裁留必詳加蒐  
討斯能瞭如指掌至於人材之彪炳物產之孕育莫不分門別類  
釐然備舉而孤芳奇節足以樹軌於後世者亦皆採擇靡遺志之  
體乃稱完備明景泰辛未割麗水縣北之宜慈應和懿德三鄉置  
邑曰宣平重岡複嶺形勝險固宜亦括之巖邑也乾隆十六年冬  
余奉簡命分巡甌括兩郡十七年夏行部入宣流覽竹客曳嶺石  
門諸山幽邃峭拔其間村落參差田疇高下男耕婦織樂業安居  
宣之民何莫非聖天子德澤所涵濡得以宅爾宅田爾田羣遊於  
熙皞哉迨披縣之舊志悉屬抄綴方慮魯魚亥豕漸易傳訛迺邑

令鄰水陳君銳志修輯訪耆舊之見聞嚴事蹟之浮濫疑不參信  
文不過情勒成全書爲綱十一目七十有七得卷十六請余言弁  
其端余惟爲宰者必舉一邑之山川文物風土人情歷歷胸有成  
竹然後施之政事中其肯綮今縣志告竣司此土者可以按册講  
求催科何可以使之不擾訟獄何可以使之潛消田土何可以使之盡闢  
學校何可以使之振興一切興利除弊之治勉焉勿怠將見宣雖彈  
丸邑而日臻上理比戶可封他日翰軒蒞止稽諸紀傳所載更駸  
駸乎有進焉者如謂山林景物之美斷碣赤綠之文其後焉者也  
是爲之序乾隆癸酉季夏望日溫處道朱椿撰

攷周禮宗伯之屬外史掌四方之志知昔聖人建邦出治未有不

以志乘爲當務也蓋古者列國各有史以備記載史氏掌之自秦  
廢邦國爲郡縣制度既更官職亦缺而記載之責遂以屬之官斯  
士者宣陽彈丸地耳明景泰中始置邑迨及本朝重熙累洽久道  
化成百年之間戶賦之殷繁人文之鍾毓直與都會相埒邑侯陝  
君治事逾一載目張綱舉百廢具興案牘之下慨舊志之散失乃  
偕前令雷君從事纂修書成請序於余余忝守斯土志乘之事與  
有責焉奚敢辭序余維作志之難也有三守空疎者考核未宏而  
師心自用妄而不可以信也矜淹博者折衷寡當而泛濫無歸謬  
而不足以傳也乃若博稽遠覽挈領提綱筆削之餘自謂得心而  
或體有所未協論有所不通識者竊笑之夫將以上窮大道下察

地理中麗人事綜前代數千百年之典故垂後此百千萬世之觀  
覽非有深識積學者固不克任君以西蜀豫章蒞茲百里儒術之  
治既略見矣及斯志之作約而不漏詳而不煩採擇必精論斷必  
允而其中封制之沿革戶口之多寡學校之隆替人材之高下與  
夫政事文章之得失顯晦皆班班可攷夫乃知君非獨才擾亦學  
邃也今聖天子勤求民瘼問俗采風海濱山陬悉闢  
睿慮爰集文臣纂修一統志麟炳炳既有成書矣爲民牧者苟  
無以上副宸衷曷以無慚官守余之來此歲月未久簿書期會日  
不遑焉顧竊常以宣志缺略爲憾惟君慨然已任遂偕同志博徵  
文獻採輯成編數十年之未備一旦梨具斯固可以無負今天下

道一風同之治而豈特前者不忠於無傳後者不憂於無據也哉披覽之下有餘快焉故略述著作之難與君之有功於斯邑者爲後之讀是志者告其亦然吾言乎乾隆癸酉正月知處州府事長白賦璉題

國家當重熙累洽之時文德誕敷聲教四訖自京畿直省以暨梯山航海出日載斗之區靡不詠歌至治潤色鴻猷紀諸志乘炳炳烺烺稱極盛矣宣平爲揚州近地括郡屬邑按諸禹甸周疆皆列中邦土宇雖曰割麗之三鄉渺乎小焉然自明季開設以來經我朝生養教訓百有餘年視昔之蕩析離居於烽烟兵火之際者何霄壤耶辛未夏余膺簡命來蒞茲邑急欲得志乘所紀以前事

爲後事師而吏初則茫無以應繼復以抄傳爛紙因襲故事亦與無志等夫志關於治大矣其上紀天道下紀地利中紀人事士非此無以爲學農工商賈非此亦無以因時趨事而各効其職所宜爲宣邑多士林立而科名久闕流民雜處而富教須加安得以文獻無徵漫不加意也會上憲厓念文治亦以修乘檄催余緣辛未秋禾未稔賑務方殷庶事蝟集因謀諸廣文陸君剡亭潘君柱堂並前任雷君萬有時適寓宣共襄厥事相與摭拾舊聞採訪遺事互爲考訂不厭諄諄始事於壬申之秋告竣於癸酉之夏凡舊志之蔓延拖沓重衍無用者刊落殆盡而踵事增華與夫忠孝節義堪以砥末俗振頹風者闡幽抉顯靡不畢登今試類舉而觀之則

封域肇而四山環翠武湯松遂諸名封儼緇錯也建置定而兩鄉待澤徵發期會所推施如臂指也學校振而文明山麓泮池鬱蔥茂草可無悲佻達可弗慮也繼此則紀職官別治行披荆棘而拊循愛養以休息斯民者有芳躅矣稽選舉詳人物擢巍科而德行文學以超出羣類者胥翹楚矣次則貢賦雖纖固禹貢九等之所必及風俗雖異亦太史陳詩之所不遺禮祀有典秩禮敦而蒸嘗備物用昭明德之馨雜事有紀義類別而奇正互形足規運會之變焉至若天章煥河漢之垂人文呈經緯之麗自唐宋以迄盛代其爲瑰瑋裔皇者夫豈以地屬彈丸至憾於言之無文耶然則宣之在今日固漸勝於開設之初而宣志之綱舉目張條分縷析亦

庶幾乎樸而不陋華而不浮堪備下邑之章程而視昔爲改觀矣或有謂余者曰子之甫蒞治也卹患賑飢刻不遑還今者汔可小休矣何不暫爲寬閑計而復皇皇於梨棗之爲余曰否否夫鑿古所以知今因人足以考已余之爲此固將以稽夫天時之早晚地利之肥磽與夫人事之經權常變而酌古準今以仰副盛朝治益求治之至意若謂斯役也藉槩鉛之末技卽以爲報政之先資則余殊愧未遑焉維時董理劄劄兼司校讎者明經祝復禮仁山復相宋臣潘士仁邦友庠生王庠帝眷鄭勉克之皆應並列簡首云是爲序乾隆癸酉蒲月知宣平縣事陳加儒撰

漢儒曰民函五常之性其剛柔緩急聲音不同繫水土之風謂之



風好惡取舍動靜無恆隨厥情欲謂之俗古聖王動采問焉故易著辨物居方書稱任土作貢周禮言體國經野而外史掌四方之志區其域分條其風俗此職志之所由作也宣平本麗水地前明景泰中割宣慈等三鄉設爲一邑其山川民物之美盛從可知矣志其地者亦在明之季年今已渺乎不可攷我朝列聖相承重熙而累洽深仁厚澤周浹寰區舉凡食毛踐土罔不沐浴聖治俗化蒸蒸遐陬僻壤共臻一道同風之美所謂禮樂教化積久而後成者不已懿歟戊戌春季奉命來宰斯邑省覽風土亦淵乎有淳樸之風於焉徵文考獻稽載諸籍顧舊志記載不詳卽代有述作卷帙亦日久漫漶識者病焉由是不揣固陋商榷邑中羣士詳徵博

探經四時之久聿成新志其山水鄉邑則稽之地圖鳥獸草木則驗之通志風謠人事各附其俗孝義廉節益增其舊美物貴依其本讚事宜徵乎實用昭我國家久道化成之盛亦以爲采風問俗之有所徵信焉爾道光二十年冬月下泮知縣湯金策撰

少隨侍桐淵備閔庭訓浙之括蒼山則梅嶺鳳飛蓮峯鶴宿川則突星明瀨半月欽泉人物則尹遂劉青財賦則雲茶田石蓋

擬祖澄齋公由祖蔭歷遷浙之採訪使而於括亦舊觀察也已卯入都部掣之江喜詣祖故治至則峯南岫北柳浦桃潭毓秀鍾靈產珍集異益奉前訓爲定許乙未冬尉是邑有饒者曰括爲浙之僻壤而宣又爲括之僻壤子殆有以倦是行乎擬曰否子未知

之心也夫高卑位也肥瘠地也窮通時也擬際聖王之世受先君教又值祖五聽之區雖微秩正宜悉心圖效敢以荒隅爲慮哉遂買棹錢江緣陸而婺越兩晝遂入境觀其繁山遐囑樊嶺幽深宣之山也渠溪如鏡洗港流銀宣之水也花綻毫端春生卷裏宣之士也童叟風吟牧樵露唱宣之氓也粒紅禾白蓮碧荷鳥宣之產也逾數日益知功業光於薰史節孝重於莊閭足爲天下後世法者亦指不勝屈始慨然謂向所言之不無過慮而竊喜擬志之別有幸也戊戌春中州湯公宰茲土擬以斯言質公公曰子猶未圖其大也古者史以勵人心志以勸善類余探邑乘散軼日久夫採風問俗發潛幽守土職也可坐視其簡斷編殘哉余創輪

廉子當論都人士而贊成之擬唯唯退退而告諸人僉云此盛舉也遂相與參訂焉並各出已資以付劂嗣氏夫日觀霞城圓珠方玉境之所別也高致若松淡味如菊品之所重也青精白粲瑤蕊瓊蘼物之所寶也宣之境之品之物其異是其不異是未可知而宣之自得其境其品其物者不復殷殷隆隆於楮墨間哉後之人把卷流連可以觀可以興矣是爲序道光二十一年仲春上泮演

南楊燦撰

邑之有乘猶史之有志也史有二長綜覽博論斷貫攷證精而志亦如之昔江文通有言作史之難莫難於志余謂作志難修志亦不易宣割麗北三鄉以成邑雖渺乎甚少當時如給事吳公侍御